

KA RUKOM REP TIT BUTTON

KI TIAR KIBA DONKAM HABA THUNG IA U TIT BUTTON

- Skum kba-1000 kg
- Skop kew (Wheat Bran)-250 kg
- Sboh mluh (Urea)-18 kg
- Sboh eit syiar – 500 kg
- Gypsum (Phitkiri)- 35 kg
- Donkam kumba 300 kg u skum na ka bynta ban shna sboh
- Na ka bynta ban pynmih 1 kg u tit, donkam 220 gram ka sboh tyrkhong

KA RUKOM THUNG IA KI TIT BUTTON

1. Ka rukom shna ia ka sboh: Bynta kaba nyngkong, Bynta kaba ar
2. Kaba bet ia ki symbai
3. Ka rukom pyn syaid ban pyn pur ia ki tit
4. Ka rukom ai sboh khyndew ban pyn pur ia ki tit
5. Ka jing mih jong ki tit

KA RUKOM SHNA/PYNKHREH IA KA SBOH (18 sngi)

Bynta kaba nyngkong lane kaba shna ia ka sboh shabar :

Sngi ba nyngkong (Day 1)

- Khleh lang ia u skum kba bad ka sboh eit syiar bad sa pynjhieh bha da kaba synreit da ka um haduh ba kane ka jing khleh kan don ia ka sngem kumba 75%
- Ynda lah dep khleh lang bha ia kine baroh, lum ia ki bad pynwan ia ka jing heh bad jing iar kaba la kumno kumno 5 phut ka kynieng, 5 phut ka jing iar bad kano kano ka jing jrong da kaba pyndonkam ia ki lyntang.

Dei ban iuh bha ne khnoit bha haduh ba un sa skhem bha.

Sngi ba lai:

- Pynpra ia kane ka thup skum kba bad sa synreit da ka um ha ki bynta ka tyrkhong bad hadien kata pat sa tei thup biang.
- Ha kane kajuh ka sngi pynpra biang ia u thup skum kba bad sa khleh ia ka sboh mluh (urea), u skop kew (wheat bran) bad ai um biang lada i donkam bad sa shna thup biang kaba skhem bha da kaba thep ia kane ka sboh ha ki kynja synduk
- Ieh ia ka thup skum kumba 2 sngi bad ka jing syaid ka dei ban long haduh 70°C

- Kylla biang ia ka sboh ha man la ka 2 sngi bad ha ka sien kaba lai dei ban khleh lane ai ia ka dawai gypsum bad ha ka sien kaba saw ruh dei ban ai.

Sngi kaba hynriew (6 days):

- Pynpra biang ia kane ka thup, kylla bha ia ka sboh bad sa tei thup biang
- Ieh kumba 2 sngi bad kane ka rukom pynkhreh sboh kaba nyngkong (Phase 1) ka lah dep ne ka lah long

Ka rukom long jong ka sboh ha ka phase 1 lane bynta ba nyngkong

- Baroh ka sboh ka dei ban long rong ktieh, u skum u dei ban phyrnai bad jhieh
- U skum u dei ban jrong bad kdieh lada kum khem ne bat eh
- U dei ban sngem bha (72-75% ka jingsngem) bad lada khem ne khyrwait ka um ka dei ban jaw na pdeng ki sympriah kti .
- Ka jingsma jong ka ammonia ka dei ban khlain bha bad ka pH ka dei ban long haduh 8.2-8.5
- Ka sboh ka dei ban long dambit, tein tein
- Ka jing don jong ka nitrogen ka dei ban long 1.5-2.0 bad ka Ammonia 800-1000 ppm

Bynta kaba ar lane kaba pynkhreh sboh hapoh ka sem

Sngi ba nyngkong (day 1)

- Pyndap ia ki tray lane ki jaka ba la shna kum ki almari da kane ka sboh haduh kumba 7 phut
- Dei ban pyn kloï haba rah ia ka sboh nabar sha sem khang ba ka jingsyaid jong ka sboh kan neh kumba 55 °C.
- Khang ia ki jing khang bah, jing khang iit bad ki sky light khnang ban pyn neh ne pynkiew ia ka jingsyaid haduh 60 °C bad ieh haduh 6 kynta

Ha ka sngi kaba bud bad kaba lai (Day 2-3)

- Dei ban pyn duna noh ia ka jingsyaid na ka 60 °C sha kan 50 °C da kaba plie ia ki sky light bad ieh kumba 12 kynta.
- Ka jingsyaid ha ka sboh ka dei ban long 45-52 °C

Sngi kaba 4 (Day-4)

- Dei ban pyn kiew ia ka jingsyaid jong ka sboh kumba 59 °C bad kane ka jing syaid ka dei ban neh kumba 6 kynta.

Sngi kaba 5 bad 6

- Dei ban pynbiang ia ka jing syaid kumba 45-25 °C kumba 2-3 sngi lane haduh ba ka jingsma ammonia kan jah na ka sboh

Sngi kaba 7

- Dei ban pynduna noh ia ka jing syaid da kaba plie ia ki jinkhang iit ne sky light. Ka jingsma ammonia (ka jing sma kam dei ban long ka ba suh) na ka sboh ka dei ban jah noh bad kane ka pyni ba ia ki symbai lah long ban bet.

Ka rukom bet ia ki symbai (spawning)

- Shna ia ki thliw da ka shympriah kti ha ka jing jylliew kaba 2 inchi bad thung ia ki symbai ha ka jing jngai kaba 9-12 inchi bad sa tap bad nion bha da ka sboh na jrong.
- Lane ber ryntih ia ki symbai hajrong ka sboh bad sa khleh lang ha ka jing jylliew kaba 3-5 cm bad sa tap biang da ka khyndew.
- Ka jing donkam u symbai ka long kumba 7 kg u symbai na ka bynta ka shi ton ka sboh
- Lane 500-750 g na ka bynta 100 kg ka sboh.
- Ia ki symbai dei ban khleh lang bad ka sboh kumba 500-750g ha ka 100 kg ka sboh.
- Donkam kumba 14-18 sngi ia u tit ban pur ha ka sboh.
- Tap ia ka sboh da ki kot khubor, synreit um khyndiat ha jrong ka kot bad khang ia ki jingkhong iit bad sky light.
- Leit jngoh manla ka sngi bad lada jia ba ka kot khubor ka tyrkhong eh dei ban synreit malu mala da ka um.
- Lada ka jinshit hapoh ka sem ka jur bha ne khluit bha dei ban synreit ha madan bad plie ia ki sky light.
- Haba u tit u lah sdang ban pur ha sboh, lah ban iohi ia ka jingkylla rong jong ka sboh na ka rong ktieh kaba dum sha ka rong ktieh kaba kham shai

KA RUKOM AI KHYNDEW (CASING)

- Hadien ba u tit u lah sdang pur ha ka sboh bad ka sboh ka lah sop lieh lut dei ban ai sboh khyndew/casing ha jrong jong kane ka sboh
- Ia kane ka sboh khyndew dei ban shna shabar jong ka sem
- Kane ka sboh ka dei ban long kaba lah ban pyn neh ia ka jing sngem
- Ka jingblad ka khyndew (pH) ka dei ban long hapdeng 7-7.5 , na kata ka daw ngi dei ban khleh da ka shun lane u chalk powdar kumba 50g ha ka shi kilo ka sboh khyndew.
- Kane ka khyndew ka dei ban duna ka jinglong sboh

Rukom pynkhreh

- Ki jingdonkam haba pynkhreh ia kane ka khyndew
- Ka eit masi ba lah pyut bha bad ka khyndew (3:1)
- Ki jaboh na ka sem masi bad ka khyndew (1:1)
- Ia ka khyndew dei ban da pynkhuid bha da kaba pyndonkam da ka jing jer sha ne jing kyrsing ata
- Hadien kata ngi dei ban sterilize lane shet ia kana ka sboh khnang ban lait na ki khniang bad jingpang
- Ngil lah ban leh ia kane da kaba pyndonkam da ka formalin

Ka rukom pyndonkam ia ka formalin

- Dei ban ai da ka formalin ha ka khyndew ar taiew shuwa ban bet ia ki symbai tit.

- Na ka bynta ka 1000 kg ka khyndew donkam kumba shi litar ka formalin kaba lah khleh um.
- Pyn jhieh ia ka khyndew bad sa ai da ka formalin
- Tap ia kane ka khyndew da ka plastic bad ieh kumba 3-4 sngi
- Plie ia ka jingtap bad ai lad ia ka jingsma kan mih shabar
- Kylla ia kane ka khyndew hadien ar sngi
- kylla biang ia kane ka sboh haduh 14 sngi
- Ia kane ka khyndew dei ban pyn sngem bad dei ban synreit um kumba 2-3 sien ha ka shi sngi.

Ka por kheit

- Ki tit ki sdang ban mih hadien 3 taiew ba lah dep ai khyndew.
- Haba kheit dei ban shu kdiah khlem da pynthut ia ka khyndew bad dei ban pyn dap da ka khyndew kaba thymmai ha ki thliw kiba lait bad sa synreit um
- Lah ban ioh kheit kumba 10-14 kg u tit button ha ki ar bnai lane 15-20 kg ha ka 100 kg ka sboh.